



KEMENTERIAN KERJA RAYA
MALAYSIA

KENYATAAN MEDIA

PEMBUKAAN CENTRAL SPINE ROAD PAKEJ 3: GUA MUSANG, KELANTAN KE KG. RELONG, PAHANG SEKSYEN 3E1: MENTARA KE MERAPOH, PAHANG

BENTONG, PAHANG – Keselamatan dan keselesaan pengguna jalan raya dari Kuala Krai, Kelantan ke Simpang Pelangai, Pahang terus diberikan perhatian oleh Kerajaan apabila Projek Central Spine Road (CSR) sepanjang 347 kilometer dilaksanakan secara berperingkat.

Projek CSR dilaksanakan secara berperingkat bermula RMKe-9 dengan keutamaan pelaksanaan di Pakej 3 disebabkan isu keselamatan (kawasan kemalangan).

Seksyen 3E1 dari Mentara ke Merapoh Pahang dibuka secara rasminya oleh Menteri Kanan Kerja Raya, YB Dato' Sri Haji Fadillah bin Haji Yusof dan Menteri Besar Pahang, YAB Dato' Sri Wan Rosdy bin Wan Ismail. Ini menjadikan jumlah keseluruhan jajaran CSR yang dibuka kepada pengguna adalah sepanjang 61 kilometer.

Skop utama Seksyen 3E1 dari Mentara ke Merapoh Pahang ialah melibatkan pembinaan jalan baru 4 lorong 2 hala mengikut piawaian JKR R5 sepanjang 5.4 kilometer, satu (1) persimpangan bertingkat di Mentara, satu (1) persimpangan *left in left out* di Merapoh, satu (1) buah jambatan, dua (2) *vehicular box culvert* dan enam (6) *box culvet*. Seksyen 3E1 telah dimulakan pada 19 September 2016 dan telah disiapkan pada 16 Februari 2020 dengan kos pembinaan sebanyak RM93.58 juta.

Secara keseluruhan, Projek CSR dibahagikan kepada enam (6) pakej utama iaitu:

- Pakej 1: Kuala Krai ke Jambatan Sg. Lakit, Kelantan (47km)
- Pakej 2: Jambatan Sg. Lakit ke Gua Musang, Kelantan (59.6km)
- Pakej 3: Gua Musang ke Kg. Relong, Kuala Lipis, Pahang (93.4km)
- Pakej 4: Kg. Relong, Kuala Lipis ke Raub, Pahang (45km)
- Pakej 5: Raub ke Bentong, Pahang (54km)
- Pakej 6: Bentong ke Simpang Pelangai, Pahang (47.5km)

KEMENTERIAN KERJA RAYA
26 JULAI 2020

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my | Kementerian Kerja Raya | @MOWorks | Pro@kk.gov.my